


**LAYANG-LAYANG GUA**  
Edible-nest Swiftlet

FAMILI: Apodidae  
NAMA SAINTIFIK: *Aerodramus fuciphaga*



**CIRI-CIRI**

Bagi burung dewasa, ukuran sayap adalah 113-121 mm, ekor adalah 47-53 mm (ukuran luar) dan 41-46 mm (ukuran dalam). Diperhatikan kakinya tidak berbulu. Ia hampir sama dengan Germain's Swiftlet, *Collocalia germani*, tetapi warna garis di bahagian bawah tongkeng adalah lebih gelap, bahagian bawah dada, perut dan bahagian bawah ekor juga adalah lebih gelap. Saiz sayap adalah lebih kecil dan pendek berbanding Layang-layang Himalaya (*A. brevirostris*) dan Layang-layang Padi (*A. maximus*). Anggaran saiz bagi burung dewasa adalah di antara 11-12 sm.

**MAKANAN**

Spesies ini memakan serangga-serangga kecil dan juga serangga yang berterbangan di udara.

**HABITAT**

Spesies ini boleh dijumpai di kawasan terbuka, kadangkala di kawasan hutan dan paya bakau, kawasan persisiran pantai dan juga kawasan tanah rendah.

**BUNYI**

Ia masih belum didokumenkan dengan sempurna.

**PEMBIAKAN**

Musim pembiakan bagi burung ini adalah dari bulan Mac hingga April pada sepanjang tahun. Sarang adalah di bina dari air liurnya yang berbentuk separuh bulat dan selalunya dibina di permukaan batu. Burung betina menghasilkan 2 biji telur pada setiap kali ianya bertelur dan warna telur adalah putih. Anggaran saiz telur 21.9-23.5 mm x 15.3-16 mm.

**STATUS**

Akta 76/72, dipelihara.